

Broj: 03-04-788/2024
Sarajevo, 18.04.2024. godine

PARLAMENT FEDERACIJE BOSNE I HERCEGOVINE

Dom naroda

gđa Vesna Saradžić, delegat
gosp. Izmir Hadžić, sekretar ✓

Bosna i Hercegovina
Federacija Bosne i Hercegovine
PARLAMENT FEDERACIJE
SARAJEVO


Primljeno: 19-04-2024			
Org. jed.	Broj	Priloga	Vrijednost
05/2	- 02 -	148	124

Predmet: Odgovor na delegatsko pitanje

Poštovani,

U skladu sa odredbama člana 75. Poslovnika o radu Vlade Federacije Bosne i Hercegovine - Prečišćeni tekst ("Službene novine Federacije BiH", br. 6/10, 37/10, 62/10 i 39/20 i 67/21), a u vezi sa članom 104. Poslovnika o radu Doma naroda Parlamenta Federacije Bosne i Hercegovine ("Službene novine Federacije BiH", br. 27/03, 21/09 i 24/20), u prilogu Vam dostavljam akt Zavoda zdravstvenog osiguranja i reosiguranja Federacije BiH, broj: 01/IV-I-06-1-1572-2/24 od 17.04.2024. godine, koji sadrži odgovor na delegatsko pitanje, koje je postavila Vesna Saradžić, delegat u Domu naroda Parlamenta Federacije BiH.

S poštovanjem,



SEKRETAR VLADE

dr. sci. Edita Kalajdžić

Prilog: kao u tekstu

Broj :01/IV-I-06-1-1572-2/24
Sarajevo , 17.04.2024.godine

**PARLAMENT FEDERACIJE
PREDSTAVNIČKI / ZASTUPNIČKI DOM**
Tajnik /Sekretar

Hamdije Kreševljakovića br. 3.
71 000 Sarajevo

BOSNA I HERCEGOVINA
FEDERACIJA BOSNE I HERCEGOVINE
V L A D A
Sarajevo

PRIMLJENO:	18.04.2024.		
Organizaciona jedinica	Klasifikacija	Redni broj	Broj priloga
03	09	788	/2024

PREDMET: *Odgovor na delegatsko pitanje koje je postavila delegatkinja Vesna Saradžić, dostavlja se*

Veza: Vaš Akt broj:05/2-02-148/24 od 28.03.2024.godine

Poštovani,

U vezi Vašeg Akta broj i datum gornji (zaprimljenog dana 03.04.2024.godine) odnosno delegatskog pitanja koje je postavila delegatkinja Vesna Saradžić na 7.sjednici Doma naroda Parlamenta Federacije Bosne i Hercegovine održanoj 25.03.2024.godine , a koja se tiče biomedicinski potpomognute oplodnje, u prilogu ovog akta se dostavlja Odgovor na podnesenu inicijativu.

S poštovanjem,

Priloga(1)

Dostaviti: 1.Naslovu

*2. Vlada Federacije BiH
Hamdije Čemerlića br.2
71000 Sarajevo
Tajnik Vlade C.O.*

3.Federalno ministarstvo zdravstva C.O.

4.a/a



DIREKTOR

Izv. prof. dr. Vlatka Martinović, dr.med.

Adresa: Trg Heroja 14, Sarajevo
Telefon: +387 33 728 700
Fax: +387 33 655 856
E-mail: zavod@zsofbih.ba
Web: www.zsofbih.ba
JIB: 420064200008

UNION BANKA Sarajevo

Depozitni račun, KM: 102 05 000 000 64018
Glavni transakcijski račun, KM: 102 05 000 000 70808
Transakcijski račun, KM: 102 05 000 000 88753
Transakcijski račun, KM: 102 05 000 000 26964
Transakcijski račun, EUR: 102 05 000 000 70808
IBAN CODE: BA39 102 05 000 000 70808





Broj :01/IV-I-06-1-1572-1/24
Sarajevo , 17.04.2024.godine

ODGOVOR

*NA ZASTUPNIČKO PITANJE KOJU JE POSTAVILA VESNA SARADŽIĆ,
DELEGATKINJA DOMA NARODA PARLAMENTA FEDERACIJE BOSNE I
HERCEGOVINE*

Sarajevo, april 2024. godine

Adresa: Trg Heroja 14, Sarajevo
Telefon: +387 33 728 700
Fax: +387 33 655 856
E-mail: zavod@zsofbih.ba
Web: www.zsofbih.ba
JIB: 4200642000008

UNION BANKA Sarajevo

Depozitni račun, KM: 102 05 000 000 64018
Glavni transakcijski račun, KM: 102 05 000 000 70808
Transakcijski račun, KM: 102 05 000 000 88753
Transakcijski račun, KM: 102 05 000 000 26964
Transakcijski račun, EUR: 102 05 000 000 70808
IBAN CODE: BA39 102 05 000 000 70808



Delegatkinja Doma naroda Parlamenta Federacije Bosne i Hercegovine Vesna Saradžić na 7. sjednici Doma naroda Parlamenta Federacije Bosne i Hercegovine održanoj 25.03.2024.godine, postavila je delegatska pitanja, koja se tiču biomedicinski potpomognute oplodnje, a koja, glase:

„.....Stručnjaci kažu da je demografska slika loša i ukoliko se nastavi ovakav trend predviđanja su katastrofalna čak bi se broj stanovnika mogao i prepoloviti ne u tako dalekoj budućnosti. Ne treba naglašavati važnost ovog problema jasno je da bez ljudi ova država nema ni budućnosti zato moramo iskoristiti sve mogućnosti vezano za poboljšanje demografske slike. Vlada Federacije BiH je U 2023.godini izdvojila 10 miliona konvertibilnih maraka za finansiranje biomedicinski potpomognute oplodnje, međutim potrošena su dva do tri miliona. Zašto je u Federaciji napravljeno malo pokušaja, odnosno znatno manje ivf ciklusa u odnosu na evropski prosjek? Evropski prosjek je 1.500 ciklusa na milion stanovnika i shodno tome mi bismo trebali imati 3000 ciklusa međutima , imamo novac, imamo ustanove i samo 500 ciklusa u ugovorenim ustanovama na području Federacije BiH i negdje vani još možda toliko o čemu nema zvaničnih podataka. Zašto je pacijentima omogućen samo jedan pokušaj koji u cijelosti plaća nadležna ustanova , a naredna četiri 50% iznosu, ako je izdvojeno dovoljno novca jer ovo je proralitetna politika koja pravi promjene i koja daje rezultat. Zašto pacijenti nisu mogli ostvariti svoje pravo prva dva mjeseca ove tekuće godine, odnosno zašto se kasnilo sa potpisivanjem ugovora sa certificiranim ustanovama iz oblasti biomedicinski potpomognute oplodnje.?

Pacijenti su se našli u situaciji da imaju pravo ali ne i mogućnost ostvarivanja prava.

Zašto je, šta je plan države šta je njen interes jer BiH je jedna od pet država u Evropi koja nema državni IVF?

I na kraju zašto nemamo strategiju za ovu oblast koja bi rezultirala otvaranjem centara?

Na, gore navedena, delegatska pitanja, delegatkinje Doma naroda Parlamenta Federacije Bosne i Hercegovine Vesne Saradžić sa 7. sjednice Doma naroda Parlamenta Federacije Bosne i Hercegovine održanoj 25.03.2024.godine, daje se sljedeći:

ODGOVOR

I

Prije svega se napominje da je ranije, Zavod zdravstvenog osiguranja i reosiguranja Federacije BiH, uz svoj propratni Akt broj:01/IV-I-06-1-5028-2/23 od 18.12.2023.godine, dostavio prema PARLAMENTU FEDERACIJE PREDSTAVNIČKOM/ ZASTUPNIČKOM DOMU, svoj Odgovor na raniju zastupničku inicijativu koju je podnijela Kenela Zuko, zastupnica Zastupničkog doma Parlamenta Federacije BiH na 7.redovnoj sjednici zastupničkog doma Parlamenta Federacije BiH održanoj 28.11.2023.godine, a koja se takođe ticala biomedicinski potpomognute oplodnje - Akt broj:01/IV-I-06-1-5028-1/23 od 18.12.2023.godine.Kopija navedenog Akta/Odgovora je dostavljena i Vladi Federacije BiH i Federalnom ministarstvu zdravstva.

Takođe se napominje da je ranije, Zavod zdravstvenog osiguranja i reosiguranja Federacije BiH, uz svoj propratni Akt 01/I-03-3-246-2/24 od 18.01.2024.godine, dostavio prema PARLAMENTU FEDERACIJE PREDSTAVNIČKOM/ ZASTUPNIČKOM DOMU, svoj Odgovor na raniju zastupničku inicijativu koju je podnijela Kenela Zuko, zastupnica Zastupničkog doma Parlamenta Federacije BiH na nastavku 6.redovne sjednice Zastupničkog

doma Parlamenta Federacije BiH održanom 10.01.2024.godine', a koja se takođe ticala biomedicinski potpomognute oplodnje - Akt broj:01/I-03-3-246-1/24 od 18.01.2024.godine.Kopija navedenog Akta/Odgovora je dostavljena i Vladi Federacije BiH i Federalnom ministarstvu zdravstva.

U navedenom aktima upućenim prema Parlamentu Federacije BiH je, između ostalog dato: detaljno očitovanje/odgovor vezan za propise koji se odnose na biomedicinski potpomognutu oplodnju (u daljem tekstu:BMPO); navedena i taksativno nabrojana postupanja Zavoda zdravstvenog osiguranja i reosiguranja Federacije BiH, u okviru propisanih nadležnosti, a vezano za BMPO odnosno vezano za propise koji se odnose na BMPO;date informacije u vezi zdravstvenih ustanova u Federaciji BiH (ovlaštenih zdravstvenih ustanova) koje su verifikovane odnosno imaju dozvolu za rad za pružanje predmetnih zdravstvenih usluga odnosno usluga liječenja neplodnost biomedicinski potpomognutom oplodnjom tj. provođenja pojedinačnih postupaka biomedicinski potpomognute oplodnje; date informacije vezane za obavezu provođenja javnih nabavki za zdravstvene usluge BMPO te i predmetnom provedenom i okončanom postupku javne nabavke, za 2023.godinu te i informacije vezane za novu javnu nabavku za zdravstvene usluge BMPO, za 2024.godinu, a čije provođenje je u u toku, date informacije o finansiranju/sufinansiranju troškova lijekova za stimulaciju ovulacije kao i pokrenutoj inicijativi/prijedlogu prema Federalnom ministarstvu zdravstva u vezi zahtjeva za nadoknadu troškova liječenja iz sredstava budžeta Federacije BiH,za podnosiocje zahtjeva koji su liječeni biomedicinski potpomognutom oplodnjom bez saglasnosti Komisije za BMPO Federalnog zavoda;date informacije da dopunama Pravilnika o obimu prava na biomedicinski potpomognutu oplodnju iz sredstava budžeta Federacije Bosne i Hercegovine, način formiranja cijene pojedinačnih postupaka biomedicinski potpomognute oplodnje, kriteriji i načini ugovaranja, kao i druga pitanja od značaja za provođenje biomedicinski potpomognute oplodnje („Službene novine Federacije BiH“, br. 04/23, 26/23 i 99/23), a saglasno novom stavu (2) člana 11a. Pravilnika o obimu prava na biomedicinski potpomognutu oplodnju, lica/podnosioci zahtjeva koja su liječena BMPO bez saglasnosti Komisije za BMPO Federalnog zavoda, imaju pravo na naknadu troškova iz sredstava budžeta Federacije i to naknadu troškova predmetnog liječenja, naknadu troškova za lijekove za stimulaciju ovulacije koji su registrovani i naknadu troškova za lijekove za stimulaciju ovulacije koji su neregistrovani, na način i pod uslovima, detaljno preciziran tim članom.

U navedenom aktima upućenim prema Parlamentu Federacije BiH takođe su date informacije da je saglasno navedenim dopunama Pravilnika o obimu prava na biomedicinski potpomognutu oplodnju Upravni odbor ovog Zavoda donio Odluku o financiranju/sufinanciranju odnosno naknadi troškova liječenja BMPO (biomedicinski potpomognutom oplodnjom) i lijekova za stimulaciju ovulacije, bez saglasnosti komisije za BMPO Federalnog zavoda i Odluku o izmjeni i dopunama odluke o financiranju/sufinanciranju troškova lijekova za stimulaciju ovulacije te su i date informacije da su navedeni propisi objavljeni, u skeniranom obliku i na web stranici Zavoda zdravstvenog osiguranja i reosiguranja Federacije odnosno da su time, transparentno obavješteni, svi zainteresovani.

II

U vezi pitanja:

„Zašto je u Federaciji napravljeno malo pokušaja,odnosno znatno manje ivf ciklusa u odnosu na evropski prosjek?Evropski prosjek je 1.500 ciklusa na milion stanovnika i shodno tome mi bismo trebali imati 3000 ciklusa međutima, imamo novac, imamao ustanove i samo 500 ciklusa u ugovorenim ustanovama na području Federacije BiH i negdje vani još možda toliko o čemu nema zvaničnih podataka.“ daje se sljedeći odgovor.

Ovaj Zavod, podrazumjeva se, u obavezi je da postupa saglasno i u okvirima propisanim odredbama Zakona o liječenju neplodnosti biomedicinski potpomognutom oplodnjom („Službene novine Federacije BiH”, br. 59/18 i 44/22) kao i odredbama Zakona o pravima, obavezama i odgovornostima pacijenata („Službene novine Federacije BiH”, broj: 40/10) i odredaba Pravilnika o obimu prava na biomedicinski potpomognutu oplodnju iz sredstava budžeta Federacije Bosne i Hercegovine, način formiranja cijene pojedinačnih postupaka biomedicinski potpomognute oplodnje, kriteriji i načini ugovaranja, kao i druga pitanja od značaja za provođenje biomedicinski potpomognute oplodnje („Službene novine Federacije BiH”, br. 04/23, 26/23 i 99/23) te je u obavezi je da postupa saglasno i u okvirima propisanim svojim podzakonskim aktima odnosno saglasno odredbama Odluke o financiranju/sufinanciranju odnosno naknadi troškova liječenja BMPO (biomedicinski potpomognutom oplodnjom) i lijekova za stimulaciju ovulacije, bez saglasnosti komisije za BMPO Federalnog zavoda i Odlukom o financiranju/sufinanciranju troškova lijekova za stimulaciju ovulacije.

Osim navedenog napominje da se saglasno tački IX stav 3. Odluke o utvrđivanju osnovnog paketa zdravstvenih prava („Službene novine Federacije BiH”, broj: 21/09), obim i sadržaj zdravstvenih usluga utvrđenih prioritetnim federalnim programima zdravstvene zaštite i prioritetnim najsloženijim oblicima zdravstvene zaštite iz određenih specijalističkih djelatnosti utvrđuje Programom zdravstvene zaštite koji se finansira sredstvima Federalnog fonda solidarnosti, a kojeg za svaku kalendarsku godinu donosi Upravni odbor Zavoda zdravstvenog osiguranja i reosiguranja Federacije BiH, uz prethodnu saglasnost Federalnog ministra zdravstva. Upravni odbor Zavoda zdravstvenog osiguranja i reosiguranja FBiH je dao saglasnost na Program zdravstvene zaštite koji se finansira sredstvima fonda solidarnosti sa planom obima zdravstvenih usluga za 2023. godinu, kao i saglasnost na Program zdravstvene zaštite koji se finansira sredstvima fonda solidarnosti sa planom obima zdravstvenih usluga za 2024. godinu, a koji obuhvaćaju i zdravstvene usluge BMPO.

Upućujemo i na član 9. Zakona o zdravstvenom osiguranju, kojim je propisano, da se prava iz obaveznog zdravstvenog osiguranja ostvaruju na teret fonda obaveznog zdravstvenog osiguranja, ako je njihovo korištenje u skladu sa načinom utvrđenim zakonom i propisima donesenim na osnovu zakona. Treba napomenuti i to da se prava iz obaveznog zdravstvenog osiguranja ostvaruju na teret fonda obaveznog zdravstvenog osiguranja, kako je gore navedeno, ali isključivo u okviru odobrenih finansijskih sredstava za te namjene.

U skladu sa pozitivnim propisima, a nakon okončanog postupka javne nabavke pristupilo se ugovaranju i zdravstvenih usluga biomedicinski potpomognute oplodnje za 2023. godinu. (zaključeno ugovori za pružanje zdravstvenih usluga BMPO sa 7 verifikovanih zdravstvenih ustanova za BMPO, za 2023. godinu) te će se, nakon okončanja postupka javne nabavke, koji je u toku, pristupiti i ugovaranju i zdravstvenih usluga biomedicinski potpomognute oplodnje, za 2024. godinu.

Napominje se da saglasno čl. 8., 16., 19. i 20. Zakona o liječenju neplodnosti biomedicinski potpomognutom oplodnjom („Službene novine Federacije BiH”, br. 59/18 i 44/22) komisija za primjenu postupaka biomedicinski pomognute oplodnje, koje formira federalni ministar, kao stručno i savjetodavno tijelo pri Federalnom ministarstvu zdravstva, između ostalog, ima zadatak da razmatra izvještaje zdravstvenih ustanova o primjeni postupaka biomedicinski pomognute oplodnje i o obavljenim postupcima biomedicinski pomognute oplodnje, o čemu upoznaje federalnog ministra i predlaže mjere za unapređenje u ovoj oblasti pri čemu su ovlaštene zdravstvene ustanove obavezne navedenu komisiju izvještavati o broju i vrsti obavljenih postupaka BMPO, o njihovoj uspješnosti, te o pohranjenim spolnim stanicama, spolnim tkivima i zametcima. Dakle za navedene podatke možete se obratiti kao nadležnoj komisija za primjenu postupaka biomedicinski pomognute oplodnje, pri Federalnom ministarstvu zdravstva.

Prema podacima sa kojima raspolaže ovaj Zavod u 2023. godini Zavod zdravstvenog osiguranja i reosiguranja Federacije BiH odnosno Komisija za izdavanje pojedinačnih saglasnosti za obavljanje BMPO koju je formirao Zavod je izdao/izdala je 493 saglasnosti za BMPO od kojih je 467 pozitivnih i 26 negativnih.

Dakle ovaj Zavod je u obavezi i postupa saglasno gore navedenim pozitivnim propisima u okvirima finansijskog plana fonda solidarnosti Federacije BiH, za tekuću godinu, u okvirima utvrđenim Programom zdravstvene zaštite koji se finansira sredstvima Federalnog fonda solidarnosti, a kojeg za svaku kalendarsku godinu donosi Upravni odbor Zavoda zdravstvenog osiguranja i reosiguranja Federacije BiH, uz prethodnu saglasnost Federalnog ministra zdravstva te u okvirima propisanim zaključenim ugovorima o pružanju zdravstvenih usluga (BMPO) koje se finansiraju iz sredstava fonda solidarnosti Federacije Bosne i Hercegovine, za godinu za koju se ugovori odnose te navedeni okvir određuje i „broj pokušaja“, broj „ ivf ciklusa“ koji se finansiraju sredstvima Federalnog fonda solidarnosti

III

U vezi pitanja:

„Zašto je pacijentima omogućen samo jedan pokušaj koji u cijelosti plaća nadležna ustanova, a naredna četiri 50% iznosu, ako je izdvojeno dovoljno novca jer ovo je pronalitetna politika koja pravi promjene i koja daje rezultat.“ daje se sljedeći odgovor.

Treba napomenuti, a što je navedeno i u ranijim odgovorima prema Parlamentu Federacije BiH, da Zavod zdravstvenog osiguranja i reosiguranja Federacije BiH, nije nadležan za autentično tumačenje propisa, posredno ili neposredno vezanih za predmetno pitanje odnosno odredaba Zakona o zdravstvenom osiguranju („Službene novine Federacije BiH“, br. 30/97, 07/02, 70/08, 48/11, 36/18 i 61/22), odredaba Zakona o zdravstvenoj zaštiti („Službene novine Federacije BiH“, br. 46/10 i 75/13) odredaba Zakona o liječenju neplodnosti biomedicinski potpomognutom oplodnjom („Službene novine Federacije BiH“, br. 59/18 i 44/22 – član 59. stav (3) koji se odnosi na opseg prava na BMPO, način formiranja cijene ...i dr.), odredaba Zakona o pravima, obavezama i odgovornostima pacijenata („Službene novine Federacije BiH“, broj: 40/10) i odredaba Pravilnika o obimu prava na biomedicinski potpomognutu oplodnju iz sredstava budžeta Federacije Bosne i Hercegovine, način formiranja cijene pojedinačnih postupaka biomedicinski potpomognute oplodnje, kriteriji i načini ugovaranja, kao i druga pitanja od značaja za provođenje biomedicinski potpomognute oplodnje („Službene novine Federacije BiH“, br. 04/23, 26/23 i 99/23 - član 7. koji se odnosi na „Obim prava na BMPO na teret sredstava budžeta Federacije“) već je za isto, nadležan Parlament Federacije BiH kao donosioc ovih zakona i Federalno ministarstvo zdravstva kao donosioc ovog Pravilnika..

Takođe, ovaj Zavod nije nadležan, saglasno članu 22. Zakona o organizaciji uprave u Federaciji BiH („Službene novine Federacije BiH“, broj 35/05), da daje stručna pojašnjenja odnosno odgovore na pitanja vezana za izvršavanje navedenih propisa odnosno pojedinih odredbi istih, nego je za isto nadležno, kao organ uprave iz sektora zdravstva, Federalno ministarstvo zdravstva.

Napominjemo, a što je navedeno i u ranijim odgovorima prema Parlamentu Federacije BiH, da je Federalno ministarstvo zdravstva nadležno saglasno članu 20. zakona o organizaciji uprave u Federaciji BiH („službene novine Federacije BiH“, broj 35/05) za pripremu propisa te, saglasno navedenom članu, organi uprave, pa i Federalno ministarstvo zdravstva, „ dužni su da u poslovima iz svoje nadležnosti, pripremaju zakone i druge propise kada o tome odluči organ zakonodavne ili izvršne vlasti, odnosno kada samostalno ocijene da je potrebno donijeti zakon ili drugi propis ili treba izvršiti izmjene i dopune zakona ili drugog propisa iz oblasti za koju su nadležni..”

Treba naglasiti i da Ured Vlade Federacije Bosne i Hercegovine za zakonodavstvo i usklađenost sa propisima Europske unije, daje Vladi Federacije Bosne i Hercegovine stručna pravna mišljenja o prednacrtima, nacrtima i prijedlozima zakona, o njihovoj usklađenosti sa Ustavom i pravnim sistemom, drugih propisa koje donosi Parlament Federacije Bosne i

Hercegovine, predsjednik i potpredsjednici Federacije Bosne i Hercegovine, Vlada Federacije Bosne i Hercegovine, odnosno rukovoditelji federalnih organa uprave i federalnih ustanova.

Ured daje Vladi Federacije Bosne i Hercegovine stručna pravna mišljenja o navedenim propisima i sa stanovišta njihove usklađenosti sa zakonodavstvom Europske unije i europskim principima i standardima, zajedno sa Usporednim prikazom usklađenosti odredbi prednacrti i nacrti zakona i općih akata sa zakonodavstvom Europske unije i ovjerenom Izjavom o usklađenosti odredaba pradnacrti i nacrti zakona i općih akata sa zakonodavstvom Europske unije.

Vezano za gore navedeno i nadležnosti ovog Zavoda, u slučaju da se radi o propisu/propisima za koje je ovaj Zavod, saglasno odredbama Zakona o liječenju neplodnost biomedicinski potmognutom oplodnjom, predlagač, (zajedno sa drugim predlagačem odnosno Komisijom za primjenu postupaka biomedicinski potpomognute oplodnje), potrebno je, a što je navedeno i u ranijim odgovorima prema Parlamentu Federacije BiH, za njegovu moguću izmjenu odnosno izmjenu Pravilnika o biomedicinski potpomognutoj oplodnji, po našem mišljenju, a vezano za moguće eventualne izmjene/usklađivanje, prethodno pristupiti izmjenama Zakona o liječenju neplodnost biomedicinski potmognutom oplodnjom, te eventualno izmjenama i drugih propisa. Tek po navedenim eventualnim izmjenama i ovaj Zavod bi mogao postupiti saglasno svojim nadležnostima kao predlagač te i kao i donosioc ranije navedenih podzakonskih akata, radi usklađivanja istih sa prethodno izvršenim eventualnim izmjenama propisa, a čije izmjene nisu u nadležnosti ovog Zavoda. Ponovno napominjemo i to da se prava iz obaveznog zdravstvenog osiguranja ostvaruju na teret fonda obaveznog zdravstvenog osiguranja, isključivo u okviru odobrenih finansijskih sredstava za te namjene te bi i za eventualne izmjene vezane za „opseg prava na BMPO, način formiranja cijene" trebalo prethodno i odobriti sredstva za te namjene.

Obzirom na navedeno, i saglasno ranije navedenim propisima, za postupanje vezano za izmjenu propisa nadležni su ,ovom trenutku, drugi gore navedeni nadležni organi koji bi eventualno, ako se to bude smatralo opravdanim i potrebnim, izmjenili/dopunili/uskladili gore navedene propise, kako je gore, vezano za njihove nadležnosti, detaljnije navedeno.

IV

U vezi pitanja:

„ Zašto pacijenti nisu mogli ostvariti svoje pravo prva dva mjeseca ove tekuće godine, odnosno zašto se kasnilo sa potpisivanjem ugovora sa certificiranim ustanovama iz oblasti biomedicinski potpomognute oplodnje.?

Pacijenti su se našli u situaciji da imaju pravo ali ne i mogućnost ostvarivanja prava." daje se sljedeći odgovor.

Napominjemo da je Parlament Federacije BiH donio Odluku o davanju saglasnosti na Finansijski plan Zavoda zdravstvenog osiguranja i reosiguranja Federacije BiH, za 2024. godinu i da je ista stupila na snagu 27.01.2024.godine, te se napominje i da je Odluka kojom se Usvaja Programa zdravstvene zaštite koji se finansira sredstvima fonda solidarnosti Federacije BiH za period 01.01.-31.12.2024.godine sa planom obima zdravstvenih usluga, stupio na snagu 27.02.2024. godine, te isti između ostalih, obuhvataju , između ostalih i zdravstvene usluge BMPO.

Plan javnih nabavki koji se finansiraju iz sredstava federalnog fonda solidarnosti i iz sredstava obezbjeđenih za rad stručne službe, za 2024.fodinu stupio je na snagu dana 14.02.2024.godine te je i objavljen na portalu javnih nabavki ,a između ostalih javnih nabavki obuhvata i javnu nabavku „Zdravstvene usluge koje se finansiraju iz sredstava federalnog fonda solidarnosti II (BMPO" Saglasno gore navedenom , ,ovaj Zavod je započeo predmetni postupak javne nabavke pokrenut

OBAVJEŠTENJEM O NABAVCI USLUGE IZ ANEKSA II 804-9-2-4-22-23/24 od 21.03.2024. godine i isti je u toku (donesena Odluka o izboru te će se nakon proteka roka za žalbu i ukoliko ne bude izjavljenih žalbi, zaključiti ugovori sa izabranim ponudiocima).

Postupak se provodi u skladu sa članom 8. Zakona o javnim nabavkama ("Službeni glasnik BiH", br. 39/14 i 59/22) i u skladu sa odredbama Pravilnika o postupku dodjele ugovora o uslugama iz Aneksa II. Zakona o javnim nabavkama ("Službeni glasnik BiH", broj: 02/23) te provođenje istog, pored prethodno donesenih ranijih akata (Finansijskog Plana, Programa zdravstvene zaštite, Plana javnih nabavki - neki i od strane drugog nadležnog organa-Parlamenta Federacije BiH, neki uz prethodno dobijanu saglasnosti od federalnog ministarstva zdravstva) uslovljavaju i propisani minimalni rokovi za provođenje javnih nabavki ,kao i potrebne pripremne radnje kao što je prethodna provjera tržišta u svrhu pripreme nabavke i informisanja privrednih subjekata o planovima i zahtjevima u vezi sa nabavkom,a što sve objektivno utiče na vrijeme okončanja postupka te i zaključenje ugovora sa izabranim ponudiocima.

Osim navedenog napominje se i da je odredbama Nacrta ugovora o pružanju zdravstvenih usluga koje se finansiraju iz sredstava fonda solidarnosti Federacije Bosne i Hercegovine, II (BMPO) za 2024. godinu, a koji su sastavni dijelovi tenderske dokumentacije, te i iz razloga mogućeg zaključivanja ugovora nakon 01.01.2024.godine,, propisano da ugovor stupa na snagu danom zaključivanja, a da se primjenjuje od 01.01.2024. godine do 31.12.2024. godine. Dakle zdravstvene ustanove koje budu izabrani ponudiloci nakon provedenog i okončanog postupka javne nabavke „Zdravstvene usluge koje se finansiraju iz sredstava federalnog fonda solidarnosti II (BMPO)“ odnosno zdravstvene ustanove sa kojim se zaključi ugovor Ugovor o pružanju zdravstvenih usluga koje se finansiraju iz sredstava fonda solidarnosti Federacije Bosne i Hercegovine, II (BMPO) za 2024. godinu i isti stupa na snagu danom zaključivanja isti će se, saglasno odredbama tada zaključenog ugovora primjenjivati , kako je ranije navedeno, od 01.01.2024. godine do 31.12.2024. godine.Dakle plaćanje faktura za izvršene zdravstvene usluge vršiče se na način preciziran odredbama zaključenog ugovora te i u slučaju ugovorenih usluga koje su izvršene od 01.01.2024. godine do 31.12.2024. godine, ali ponavljamo, samo pod uslovima i na način preciziran odredbama ugovora koji bi se trebao zaključiti, a što se utvrđuje u odnosu na svaki konkretan slučaj odnosno izvršenu uslugu.

Osim navedenog ovaj Zavod postupa i po odredbama Odluke o financiranju/sufinanciranju troškova lijekova za stimulaciju ovulacije i odredbama Odluke o financiranju/sufinanciranju odnosno naknadi troškova liječenja BMPO (biomedicinski potpomognutom oplodnjom) i lijekova za stimulaciju ovulacije, bez saglasnosti komisije za BMPO Federalnog zavoda pri čemu se takođe podrazumjeva te i naglašava da se refundacija vrši samo u slučajevima i na način preciziran ovim odlukama a što se utvrđuje u odnosu na svaki konkretan slučaj odnosno izvršenu uslugu.

V

U vezi pitanja:

„ Zašto je ,šta je plan države šta je njen interes jer BiH je jedna od pet država u Evropi koja nema državni IVF?

I na kraju zašto nemamo strategiju za ovu oblast koja bi rezultirala otvaranjem centara?

." daje se sljedeći odgovor.

U vezi pitanja „ Zašto je ,šta je plan države šta je njen interes jer BiH je jedna od pet država u Evropi koja nema državni IVF?napominjemo da je za isto nadležan organ , na nivou BiH odnosno Ministarstvo civilnih poslova BiH te u okviru istog Sektor za zdravstvo

U vezi pitanja „... zašto nemamo strategiju za ovu oblast koja bi rezultirala otvaranjem centara?“ već je ranije navedeno da saglasno čl. 8 i 20. Zakona o liječenju neplodnosti biomedicinski potpomognutom oplodnjom („Službene novine Federacije BiH",br.59/18 i 44/22) komisija za primjenu postupaka biomedicinski pomognute oplodnje, koje formira federalni ministar, kao stručno i savjetodavno tijelo pri Federalnom ministarstvu zdravstva između ostalog ima zadatak da razmatra izvještaje zdravstvenih ustanova o primjeni

postupaka biomedicinski pomognute oplodnje i o obavljenim postupcima biomedicinski pomognute oplodnje, o čemu upoznaje federalnog ministra i predlaže mjere za unapređenje u ovoj oblasti.

Takođe napominjemo da je Vlada Federacije BiH na 20. djednici održanoj dana 15.11.2023.godine donijela Odluku o izradi strategije demografskog razvoja i oporavka Federacije BiH saglasno kojoj je Vlada Federacije BiH „nositelj izrade sektorske strategije Vlada Federacije BiH putem posebne radne grupe za izradu Demokratke strategije“.

Dakle za navedena pitanja odnosno pitanja „predlaganja mjera za unapređenje u ovoj oblasti,“ i pitanja „strategije demografskog razvoja“ , nadležni su, Federalno ministarstvo zdravstva odnosno komisija za primjenu postupaka biomedicinski pomognute oplodnje, pri Federalnom ministarstvu zdravstva i Vlada Federacije BiH putem posebne radne grupe za izradu Demokratke strategije.

VI

Iz gore navedenih prezentiranih činjenica, proizilazi da je Zavod zdravstvenog osiguranja i reosiguranja Federacije BiH, poduzimao i poduzima sve potrebne radnje vezane za implementaciju BMPO, u okviru pozitivnih propisa i svojih propisanih nadležnosti, a prvenstveno u interesu pacijenata koji koriste ove usluge.

Ovaj Zavod, ostaje, kao i do sada, na raspolaganju za davanje, saglasno pozitivnim propisima i na Vaše traženje i drugih potrebnih informacija koje se tiču implementacije BMPO kao i ostalih informacija iz njegove nadležnosti rada,.

S poštovanjem,

Dostaviti: 1.Naslovu

2. Vlada Federacije BiH
Hamdije Čemerlića b
71000 Sarajevo
Tajnik Vlade C.O
- 3.Federalno ministarstvo zdravstva C.O.
- 4.a/a



DIREKTOR

Vlatka Martinović, dr.med.